



КОМИ МУ



156
(17785)
№

Воторник, 2010 вося октябрь 12 лун

● *Кывлінныд?*

Комиын — 14 том велöдысьлы

**Таво миян республикаса
школаясö воис 180 том
велöдысь. Войдöр во
татшöмыс вöлі 117.**

Комиын велöдöм кузя министр
Нелли Струтинскаялöн висьталöм
серти, зэв тöдчана, мый «Миян выль
школа» уджтас збыльмöдöм могысь
медвойдöр шуöма отсавны том ве-
лöдысьяслы сьöмөн.

Казьыштам, федеральной бюд-
жетысь 500 сюрс шайтöн шуöма
сетны налы, кодъяс босьтчасны
уджавны ылі сиктса школаясын вит
во. Комиын тайö сьöмыс вичмас
14 том специалистлы.

Олöма йöзöс — дон босьттöг

**Коми Республикаса
Национальной
библиотекаын
кутасны
дон босьттöг
велöдны олöма йöзöс
вöдитчыны öтувезйөн.**

Торйөн кө, пенсионерьяслы по-
зяс лöсьöдны ассыныс электрон-
ной пошта, мед письмобасыны рöдву-
жыскöд да тöдсаясыскöд, öтувез
пыр тöдмасыны Россияын да мирын
выльторьясöн, тшöтш и «Вконтакте»
да «Одноклассники» лист бокъясö
пыралöмөн видлыны корсьны ас-
ссыныс важся бур тöдсаясö.

Национальной библиотекаö та
могысь позьö шыöдчыны **24-15-36**
номера телефон пыр либö волены
электронной могмöдан отделö.

Видзчысь: ылöдчöны

**Сыктив-
карса
став
рынок
вылас
ылöдчöны да бöбйöдлöны
нöбасьысьясöс.**

Татшöм кывкортöд вöчисны юр-
карса администрациясы, УВД-ысь,
КР-са видз-му овмöс да сёян-юан
министерствоысь, республикаса ги-
гиена да эпидемиология шöринысь
специалистьяс, кодъяс волісны Дав-
понса, Кырувса, Орбитаса, «Рублика-
са» да мукöдлаын татшöм вузасы-
ннъясö, а сіджö карса шöр рынокö.

Кызд тыдовтчис, унджыклаас
пыдди оз пуктыны санитарно-ги-
гиенической нормаяс, торйөн кө,
абуöсь санитарной книжкаяс, сёян-
юан вылö колана документъяс да
с.в. Сэсся и кызвын вузасысьыс
зильö «скокорнитны-көмöдны» нö-
басьысьöс и вузöссö веситігөн, и
рöштшöтсö вöчигөн.

Кызд юөртис Сыктивкарса адми-
нистрациян веськөдлысь Роман
Зенищев, став тырмытöмтор кузя-
ыс найö шыöдчасны надзор учреж-
дениеясö да тшöтш и судö, мед
пöдлавны öткымын вузасянін.

**«Коми му» газетын
РЕКЛАМА**

Тел./факс: 8(8-212) 24-01-16, 24-50-32
E-mail: komimu@parma.ru
smi-komimu@mail.ru



Висьтав ас йывсьыд восьсөн

**Аскомыссянь
Россияын
олысьяс ордö
кутасны волывлыны
тöдчана госьтьяс —
йöзöс гижалысьяс.
Кутасны юасыны
миян олөм-вылөм,
велöдчöм-
уджалöм йылысь,
кутшöм
войтырсикасөн
асьнымöс
лыддям да с.в.**

Юркарсаяс пöвстысь кодсюрö ордö волас тайö мичаник, авъя,
вежавидзысь нылыс — **Ксения Путкова**. Сійö коймöд во велöдчö
Сыктивкарса вöр институтысь экономика да управление факультетын.
Водзмöстчö и общественной уджын. Со тай тöдмалöма йöзöс
тавося гижалöм йылысь да окотитöма пуктыны таö ассьыс пай,
öд гөгөрвоё, кутшöм тöдчана тайö переписысь ставнас странымлы да
быдöнлы торйөн. Ксения кутö лача, мый миян регионын олысьяс
тшöтш тырвийö вежөртасны гижалöмыслысь коланлунсö да
оз мöдны пыксьыны переписчиккöд сёрниысь, висьталасны
ас йывсьыныс восьсөн да нинöм дзебтöг.

Снимокыс **Фёдор МАКАРОВЛÖН**.